

## მონიტორინგის ჯგუფის დასკვნა

სსიპ- განათლების ხარისხის განვითარების ეროვნული ცენტრის დირექტორის 2017 წლის 15 ივნისს გამოცემული ბრძანების N 376 საფუძველზე შექმნილმა ავტორიზაციის ექსპერტთა ჯგუფმა ნინო ფეტვიაშვილისა და თეა შაყულაშვილის შემადგენლობით ამა წლის 16 ივნისს განახორციელა ვიზიტი საჩხერეში ცენტრში შემოსულ N137 წერილში (ცენტრში რეგისტრაციის N [REDACTED] მოყვანილი ფაქტების გადამოწმების მიზნით. ჯგუფის საქმიანობაზე დაკვირვებას აწარმოებდა ცენტრის პროფესიული განათლების ხარისხის უზრუნველყოფის სამსახურის მონიტორინგის კოორდინატორი ნინო სტეფანიშვილი.

ექსპერტთა ჯგუფი, ბრძანების თანახმად, 16 ივნისს, გამოცხადდა ზემოაღნიშნულ წერილში მითითებულ მისამართზე (ქ.საჩხერე, კოსტავას N92) მოყვანილი ფაქტების, კერძოდ, ქ. საჩხერეში შპს-საერთაშორისო საზოგადოებრივი კოლეჯის ე.წ. „ფილიალის“ არსებობისა და ფუნქციონირების გადამოწმების მიზნით.

ზემოაღნიშნულ მისამართზე არსებული შენობის პირველ სართულზე ფუნქციონირებს სს - ლიბერტი ბანკი, ხოლო მეორე სართულზე განთავსებულია საზოგადოებრივი კოლეჯი „ოლიმპის“ აბრა (დანართი N1). ექსპერტების მიერ დათვალიერებული იქნა შენობის ორივე სართული. მეორე სართულზე რკინის გისოსებიანი კარი ჩაკეტილი იყო (დანართი N2). კედელზე გამოკრულია სტენდი რაიონულ საავადმყოფოში სტუდენტთა სასწავლო პრაქტიკის ამსახველი ფოტოებით (დანართი N3).

ექსპერტები გაესაუბრნენ ლიბერტი ბანკის მენეჯერსა და დაცვის თანამშრომელს, რომელთა განმარტებით მეორე სართულზე არსებულ კოლეჯში „სასწავლო პროცესი არ მიმდინარეობს უკვე რამდენიმე თვეზე“. ბანკის მენეჯერის ახსნით, მეორე სართულს ქირაობს პროფესიული კოლეჯი, ფართი კი ლიბერტი ბანკს ეკუთვნის. უნდა აღინიშნოს, რომ საზოგადოებრივი კოლეჯი „ოლიმპის“ არ არის ავტორიზებული კოლეჯი, ხოლო წერილში მითითებული ინფორმაციის, შპს საერთაშორისო საზოგადოებრივი კოლეჯის ფუნქციონირების შესახებ, დადასტურება ვერ მოხდა.

თანდართული დოკუმენტაცია დანართების სახით - სულ 3 ფურცლად.

ავტორიზაციის ექსპერტთა მონიტორინგის ჯგუფის თავმჯდომარე - ნინო ფეტვიაშვილი

ავტორიზაციის ექსპერტთა მონიტორინგის ჯგუფის წევრი - თეა შაყულაშვილი

თბილისი. 2017 წლის 20 ივნისი

6. გრ

ა. ქ.